

دائرة مخصوصه

در سعادتده باب عالی جوارنده

محل اداره :

مشرط قلم

اخطار :

مسلكمنزه موافق آثار جديده مع المنويه
قبول اورانوز

درج اينده بين آثار اعاده اولتاز

دينه، فلسفه، علوم، حقوق، ادبياتده و سياسياتده و باطاحه كرك سياسى و كرك اجتماعى و مدنى احوال اوشونه اهميه ديه بحث ايدر و هفته ده بر نشر از انوز.

آبونه بدلى

سنه لى التى آيلنى

ممالك عثمانيه ايچون	۸۰	۴۰	غروش
روسيه	»	۶۰۵	۳۰۵ روبله
سائر ممالك اجنبيه	»	۱۷	۹ فرائق

صاحب و مؤسسلى :

ابوالعلا زين العابدين - ح . اشرف اديب

تاريخ تأسيسى

۱۰ تموز ۳۲۴

قيرله دن مقوا بورو ايله كوندريليس سئوى
۲۰ غروش فضله آلنير

اوچنچى جلد

۱۷ ذى الحجه ۳۲۷ پنجشنبه ۱۷ كانون اول ۳۲۵

عدد : ۶۹

علما و مجتهدینك کیجه لی کوندزلی عقللرک حیران قاله جنی برطرزده سعی و غیرتلی، اجتهادلی سایه سنده شودوره تکمله واصل اولمشیدی. عبدالله بن مسعود و اصحابنک و علقمة بن قیس و رفقا سنک زمانلری عراق مکتب فقهیسنک دوره تأسسی محمول ایدی. ابراهیم نخعی و رفقا سی و اصحابی دوره توسعی اداره ایتشلردی. دوره تکمیل ایسه امام ابو حنیفه نك اجتهاده باشلامه سیله بدأ ایلشیدی.

ابو حنیفه حضرتلرینک حیات فقهیسی حضور حمادده تدرسه باشلامه سیله بدأ ایدر. حماد واسطه سیله عراق مکتب فقهیسنک بتون صفحاتنه کسب و قوف ایتدکدنصوکره دائرة تبعاتنی توسیع ایلر. علم فقه نقطه نظرندن آثار و سنن اوزرنده تحریات اجراسنه باشلار. بوبابده عمر بن الخطاب، علی بن ابی طالب، عبدالله بن مسعود، عبدالله بن عباس - رضوان الله علیهم - حضرتانک اصحابندن بیوک بر استفاده تأمین ایلر. بوسورتله عراق مکتب فقهیسی ایچون بیوک بر دوره ترقی باشلامش اولور. آرتق اجتهادک دخی متوجه اولدینی نقطه تکامله وصول ایتک اوزره بولندینی کوریلیر.

حضرت امام اکثریت اعتباریله مسائل متفرقه فقهی، عراق اصول اجتهادینی حماد (رضی الله عنه) واسطه سیله ابراهیم نخعی حضرتلرندن تلقی ایلر. ینه مشارالیه، یاخود دیگر بری واسطه سیله نادراً باشقه بر ذاتلره استناد ایتدیکی ده مشهود اولور. محمد بن حسن - الشیبانی حضرتلرینک امامدن روایت طریقیله تحریر بیوردینی اثرلرده ابراز ایلدیکی سندات نظر دقه آلینیرسه بو حال بتون کوز اوکنه کلیر.

حضرت امامک علی الاکثر فقهه دائر اولمق اوزره روایت ایتدیکی آثار و سنن ده طرق متعدده مشهود اولور. شیوخی میاننده طبقات مختلفه یه منسوب برچوق تابعین ایله آلتی یدی صحابی کرامک اسمای شریفه لریته تصادف اولنور. امامک شو مسنداتی ابو یوسف یعقوب، محمد بن حسن، حسن بن زیاد اللؤلؤی طرفلرندن جمع ایدیلدیکی کبی، ده صوکره لری اون بش یکریمی قدر حفاظ حدیث و کبار فقهانک ابذال بیوردقلری سعی و غیرت ایله سنداتی تدقیق اولونه رق اون بش یکریمی قدر عظیم الجثه اثرلرک جمع و تألیف اولنمشیدی.

حضرت امامک محفوظاتنی اکابر علما و فقههای مجتهدیندن بر چوق ذوات کرام اخذ و تلقی ایدهرک اخلافه نقل و روایت ایتشلردر. عمر و بن دینار، عبدالله بن مبارک، یزید بن هارون، عباد بن العوام، هشیم، وکیع بن الجراح، هام بن خالد، سفیان بن عینه، فضیل بن عیاض، داود الطائی، ابن جریج، عبدالله بن یزید، مسعر بن کدام، اسماعیل بن ابی خالد، شریک بن عبدالله، حمزه بن حبيب... روات مشهوره سی جمله سندن در.

معاصرینندن سفیان ثوری، ابن ابی لیلی، ابن شبرمه حضرتانک دخی امامدن بعض احادیث نقل ایلدکلری سوبلنور.

دها طوغریسی انسانلرک محرومیت ایدیه لرینی موجب بر بلا عدایدن برسوری دشمنلره مبتلا ایتدی.

یچن عصر هجرینک اورتلرنده عجمستان، هندستان، عربستان طرفلرنده، ده صکره مصرده عقلای مسلمیندن بعضیلری اویانه رق بو فلاکتک ماهیتنی تدقیقه، بوکا بر چاره تحری یه باشلادیلر انشالله کونک برنده آرامقده اولدقلری غایته واصل اولورلر.

شیخ محمد عبده

محمد عاکف

اجتهاده دائر

- مابعد -

اما ابو حنیفه دورلرنده افکار علماده باشقه برکشایش حسن اولومغه باشلامشیدی. اجتهادک برنوع ترقی و تکمله مظهر اولدینی کورولیوردی. عبادات، معاملات، عائد مسائل متفرقه ابواب و فصوله آیریلیور. ابواب و فصول دخی تصنیف ایدیلهرک کتابلر تشکیل اولنیوردی.

باب، فصل، کتاب نظر مطالعه یه آلتیه رق آنجق مسائلک ادله شرعیهدن هانکیسنه مستند... مسئله، دلیلک هانکی نقطه هانکی جمله سندن آکلاشیلیمش اولدینی تحری ایدیلکه باشلامشیدی. ذهن بوقدرله ده توقف ایتیه یور؛ عجبا بودلیله نه کی مسئلهلر استناد ایدیور؛ بودلیلک تحدیثه مسائل متعدده می، یاخود مسئله متعین می داخل اولیور؛ مسئله، بودلیلدن نصل آکلاشیلیر؛ مسئله ایله دلیل آراسنده نسبت نصل؟..... دیهرک اذهانده بر فکر تحری، فقط باشقه براسلوبده، باشقه بر طریقه ده فکر تحری اویانمشیدی. اشته بادی نظرده یک سطحی کورون بواسئله ذهنیه اصول فقهک اساسنه طوغرو بر حرکت ایدی. نتیجه ده اصول فقهک اساسنی تشکیل ایدن «اقسام نظم» میدانه چیقدی. فی الحقیقه قواعد اصولیه، اجتهاد باشلانیدینی کوندن بری عملی اوله رق دائماً موجود ایدی. لکن نظریاتی، اصلاحاتی تدریجی بر صورتده میدانه کلدی. - آکلاشیلیرکه اصول فقهک نظریاتی ایله اجتهاد آراسنده برعصره قریب بر آچیقلاق موجوددر.

اذهان علما بوقدرله ده اکتفا ایتیه یوردی. افکارده دخی مسائل جزئیة فقهیه آراسنده اولان نسب عقلیه نك تحریسنه و معانی مسائلک تجریدنه میل ایده بیله جک قدرکشایش، بر فیض علمی مشهود اولیوردی. مسائل فقهیه اوزرنده تحلیلات و تحریدات اجرا ایدهرک مسائل آراسنده اولان نسب میدانه چیقاریلیر؛ بر معنای عمومی الله ایدیلهرک قواعد کلیة فقهیه ارتقا حصوله کلیوردی. اشته بودوره فقه ایچون، اجتهاد ایچون یک یوکسک بر دوره ترقی ایدی. بودوره ایچنده مسائل فقهیه، تصنیف و تدوین، قواعد و اصوله ربط اولنهرق حقیقه بر علم شکنی اخذ ایتمشیدی. اجتهاد ایچون دخی اصول و قوانین وضع ایدیلهرک عادتاً بر صنعت علمی حالتی آلمشیدی.

عراق مکتب فقهیسی و اجتهاد بر دن بره بو ترقی یه مظهر اوله مامشیدی. بو حاله کلنجه یه دکی بر چوق صفحهلر ارائه ایتمش؛ عصره قریب بر زمان ایچنده «تأسس» و «توسع» دورلرینی کچیره رک یوزلرجه

حضرت امام، فکر و اجتهاد چه نقطه منتهای اعتلایه قدری بکشد کدن صوکره الك اول بتون مسائل فقهیه بی، هپسینی بردن نظر تدقیقه عرض ایتدی، بونلری صورتلرندن کیفیتلرندن، خلاصه عوارض و شخصیاتلرندن تجرید ایدرك علم فقهك روحنی كشف ایتدی؛ دیدی، که:

علم فقه . — نفسك كندیسیچون فائده لی و ضرر لی ارلان شیرلی بیامسیدر...

اشته علم فقه بویله چه روحیه، حقیقیله تحدید اولندقدن صوکره اجتهاد، بتون مشکلات عارضیه دن قورتیله رق بر قولایلق کسب ایتمش بولنیوردی. بوکا قادر ایسه اجتهاد ایچون بر موضوع معین معلوم دکلدی: ساحده بروسعت، برعمومیت، بناء علیه محل اجتهاده بر مهمیت موجود ایدی. ایشته علم فقهك تحدیدیه اجتهاد ایچون منافع انسانیه ایله مضراقی آراسنده کنیش فقط معلوم بر میدان آچیلدی. بومیدانده هر متفکر، هر مجتهد ایستدیکي قدر آت اویناده بیله جکدی. امامك بو تعریفی نه قدر علوی... تاریخ اجتهاده علم فقه ایچون دها بویله بر تعریفه تصادف اولنه ماز. شرعی اولمقله برابر فلسفی؛ فقط انسانیه، حیائمه تماس ایدر بر فکر عالینك محصولی.. علم فقهك انسانیت اوزرینه بر بار ثقیل، بر تکالیف شاقه تحمیل ایتك ایچون وضع ایدلش اولیوب بلکه غایه املك سعادت بشر اولدیفنی اعلان ایدر.

فقط بزهر وقت یابدیغمز کبی بوراده ده الفاظه، ظاهره بوغولوب قالمشز؛ بزبو تعریفی از برلش؛ متنی، صرفی، نحوی... اوله رق تحلیل ایلشز؛ فقط بونلردن هیچ بری بزم حقیقی، روحی آکلایه بیلمه مزه یاردم ایتماش؛ بز دائما الفاظ حالی اولوب قالمشز. حالاده اوله یز. بو تعریف اکلاشلش اوله ایدی، بز علم فقهی بویله محدود بر قاج دستور دن عبارت ظن ایدر مبدك. بو صورتله مقدس اسلامیتك دشمنلری طرفندن طعن و تشنیع ایدله سینه کنیش فقط منحوس بر یول آچارمیدق؟ بز بو تعریفی حقیله آکلامش اوله ایدك، نفوس انسانیه نك له و علیهنده اولان شیرك عدم محدودیتی میدانده دورورکن «باب اجتهاد مسدوددر» دیمکه جسارتیاب اولورمیدق؟!..

ایشته حضرت امام علم فقهی بویله چه تحدید ایتدکدن صوکره اجتهاده باشلادی.. اجتهاد ایچون، فقه ایچون الك مهم اولان قوانینی وضع ایلدی. بو صورتله اجتهاد، فقه هپ کسب سهوات ایدیوردی. چونکه ارتق بونلر بر منطق دائره سینه کیریوردی. دیگر جهتدن فقه اسلامده — عراق مکتب فقهیسی داخلنده — بعض تعدیلات و تهذیبات اجرا ایتدکدن صوکره تصنیف و تدوینی اجرا ایتدی. بالاده عرض ایتدیکمز وجهله عراق مکتب فقهیسی بر شخصیت ارتق، منتهای تکامله ایرشمك اوزره بولنیوردی.

علم فقه ایچون وضع ایتدیکي تعریفدن دخی آکلاسلدیفنی اوزره امام حضرتلری اجتهادنده، حل مسائلده، افتاسنده دائما بر معقولیت، دائما بر سهولت کوسستریر. اول حضرته اسناد اولنان مسائلک،

مجتهداتك، اصول وقوانینك تعلیلاتی، تمسکاتی نظر اعتباره آلیرسه بو حقیقت بتون وضوحیه میدانه چیقار.. بو حالی دخی حضرت امام کندی اجتهادك بر نتیجه سی اولق اوزره قبول ایتمشیدی. حضرت امام بتون بونکه برابر نقله دخی پك بیوك اهمیت عطف ایتکده بولندیغندن اخبار آحادی اقیسه صحیحیه تقدیم ایلردی. بوده اجتهاد ذاتیسی ایدی.

اشته عراق مکتب فقهیسی شو عرض ایدیلن ایکی اجتهاد ایله حجاز مکتب فقهیسی سندن، تعبیر دیگرله مذهب حنفی، مذهب مالکی سندن آریلیوردی. شو ایکی مکتب، شو ایکی مذهب آراسنده اولان بتون اختلافاتك شو ایکی اصله رجوع ایتدیکي کوریلیر.

[صوکی وار] قزانی حلیم ثابت

»»»

فرانسجه بر رساله دن:

ژاپونلرك ۱۹۰۹ سنه سنده کی قواسی

ژاپونلرك زیاده علوم وفنونك تطبیقات عملیه سنه اهمیت ویردکلرندن اوروپالیلرك صرف فلسفی اولان افکار ومعلوماتلرینه پك اوقدر اعتبار ایتزلر. بونلره ایشسز آدمرك وقت کچیرملرینه یارایان مناقشات بی سود نظریله باقارلر. اوروپالیلرك اخلاقه، بیسقولوژییه، دینه عائد مباحثاتندن برشی اکلامازلر رومان وسائره کی اویدورمه شیردن دوییلان ذوقه، لذته قطعیا بیکانه درلر.

اهالینك حتی الك آشانی طبقه سی بیله اجنیلره قارشى، تبصصدن عادیلکدن عاری اولق شرطیله، صوك درجه یه قدر اثر التفات و نزاکت کوسستریرلر. فقط اجنیلر ژاپونلرك کنیدیلرینه قارشى نه کی بر فکرده بولندقلرینی یعنی نخوت وطن پرورلری ایجاباتندن اوله رق دائما اجانبه دشمن نظریله باقدقلرینی بیلیرلر.

محاربه اخیره دنبری ژاپونیا قوای عسگریه سنده مشهود اولان ترقیاتك یگان یگان تعدادینه بومقاله متحمل اولمدیغندن بو ترقیاتدن برنبذه بحث اولنه جقدر.

ژاپونیا ده فرقه لر اوروپا قول اردولری صورتنده تنسیق وتشکیل ایدلمشدر. مسئله زائله ده ژاپونیا ده اون اوج فرقه موجود اولوب بونلردن بری خاصه فرقه سی ایدی. وهله اولی ده بوقدر ضعیف کی کورینن شو قادرولرك ۱۹۰۴ سندسندن ۱۹۰۵ سنه سنده قدر ۷۵۰۰۰۰۰ عسکری سفر برحاله وضع ایتدیکي مع الاستغراب مشاهده اولمشدر. بدایت محاربه ده بهر فرقه نك موجودی ۱۱،۴۰۰ پیاده، ۴۳۰ سواری، ۸۳۰ استجکام افرادیلر ۵،۵۰۰ صف حربیه غیر داخل افراددن، ۳۶ طوپدن عبارت ایکن بونلره برلوا علاوه ایدلدی. لوالر ایکی آلایدن آلایلرده «قوبی» ایکنجی احتیاط افرادندن متشکل ایکیشر طاوردن عبارت ایدی. «لیا اوتونغ» محاربه سندن صکره فرقه لرك عددی اون التیه ابلاغ، دیگرلری کی بونلرده «قوبی» آلایلری علاوه اولندی. موقدن محاربه سنده اوج طاوردن متشکل